

EMBALUWA EY'AMAKOBO MU KIMEGA EKY'OKUNA MU 2009, OKUVA MU BUJAGALI POLOGYEKITI.

The Bujagali Hydropower Project (BHPP):

<http://www.bujagali-energy.com>

N'eibibiro ely'amasaanhalaze agagheza megawatt 250 erili kuzimbibwa aba Bujagali Energy Limited ku mwiga Kiyira, okumpi n'ekibuga Idhindha, mu Uganda. Obuyambi buva mu Industrial Promotion Services (Kenya) Limited ni SG Bujagali Holdings Ltd abali n'enkologana ni Sithe Global Power, oba LLC mu bufunze, ekiri mu U.S.A.

Okuzimba ghe kwali kutuuse ku 31 Namuwawuzo 09.



Eibibiro gherituuse

Pologyekiti yatandiika nga:26 Namwenda (omwezi ogw'omukaaga, 2007.

Okukakasibwa:

Kwayongezebwayo mu kimega eky'okuna eky'okusatu mu 2011.

Ebikoleibwa ku kuzimba:

- **Okutetenkiana:**
Ebitundu 80 ku 100 nkani 80%.

- **Okugula eby'etaagisa:**
Ebitundu 87 ku 100 nkani 87%.
- **Okuzimba:**
bankazimbaku ebitundu 52 ku 100 nkani 52%.

OKUTA MU NKOLA ENTEGEKA EDHIGEMA KU MBEERA Y'ABANTU N'OBUTONDE (SEAPs).

Okuta mu nkola entegeka edhigema ku mbeera y'abantu n'obutonde (SEAPs) kwagya mu maiso mu kimega eky'okuna ekisembayo (Namutyabuko-Namuwawuzo mu 2009. Bujagali Energy Limited oba BEL mu bufunze, ekoze omulimo gwa maani ku kuzimba eibibiro eryamasaanhalaze agagheza megawatt 250. Emirimo emikulu egya kolebwa mu kiseera ekyo mwalimu amatiikira ga baisuka 53 abamaliriza emisomo gyaibwe mu itendekero ery'ebyemikono, lye beeta Nile Vocational Training Institute. Abaatikirwa ba tendekabwa mu ngeri ey'okweebesawo, okukulankulania eby'obulimi n'eby'obuyondho ku kyalo, ebya kawuuka ka Siriimu n'okuzimbira abolekeire okukosebwa amayiga agali ku mutindo, nga ate ga keikereza enku n'ebindi kamaala.

Embaluwa ey'amakobo eno eyogera ku nkulankulana ebairwo mu mbeera y'abantu, enkolagana n'abataka,

eby'okukuuma obutonde n'emirimo egy'akolebwa okuva mu Namutyabuko(omwezi ogwe ikumi) okutuuka mu Namuwawuzo (omwezi ogwe ikumi n'ebiri), 2009.

Embaluwa ey'amakobo eno eriwo mu Luganda ni mu Luzungu.

Nhumirwa okugisoma Nampiira (Omwezi Omuberi), 2010

Obweyamo Bwa BEL

BEL yeyama okulungiya ebintu ebikozesebwa abantu, omwo nga n'omuli okulungiya ensansaania y'amaadhi, eby'endhegeresa, ebikozesebwa mu by'obwidhandhabi, n'okughanirira enkulankulana ey'olubeerera, nga ebyo n'ebindi ku biri mu nkola ey'okukulankulania ekyalo nkani CDAP.

BEL erina enkola ku by'obutonde eziyiza okukosa ebifo omuba ebisolo, amaadhi ag'omwitaka ni kwitaka, eby'enhandha n'okuvuba, ebisuubirwa okugwawo nga tibiraze, okugeza nga oku boomooka kw'abantu mu kiketozo kya pologyekiti, ebiwuka ebisansaania obulwaira, ne by'obulambuuzi nga bino byonabyona biri mu ntegeka ey'okukuuma n'okulondoola obutonde (EMMP).

Eby'okusoma n'amasomero

Okuzimba ekizimbe nga kya bibiina 10 ku Isomero erya pulaimaale, lyebeeta Naminya RC kwawa. Obulimo obutoniongoli obusigaire ku bibiina bugya kumaririzibwa, era baidha kubighayo eri abakungu mu Isomero mu mulyaiva (omwezi ogw'okusatu), 2010.



Ekizimbe ekiriku ebibiina 10 ku Isomero lya pulaimaale, e'Naminya RC kyawa

Enkola ey'okuyambaku abolekeire okukosebwa

BEL yagabira abantu abali mu byalo ebikosebwa pologyekiti obuyambi. Yabazimbira amayiga agali ku mutindo basobole okukendeezaaku obungi bwenku dhe bakozesa. Amayiga 310 amasite ni goyinja okusengula na gaazimbibwa mu byalo ebikosebwa pologyekiti era ebyalo ebitali bya nsambo ndala biti bwe byafuna: Kikubamutwe (27), Malindi (15), Buloba (37), Naminya Kiira (26), Naminya Resettlement (4), Bujagali (28), Ivunamba (48), Namizi West (63) ne kye Kyabirwa kyafuna (57).

Okulambuula abolekeire okukosebwa kwakolebwa era alipoota enhunkuuzza buli kintu yakolebwa. Ebyaghandikibwa biraga nti abantu 7 baafa ate 6 baasenguka.



Omulala kwabo abolekeire okukosebwa nga ali kukozeza amayiga aga keikereza enku

Eby'obulamu

TASO ey'e Idhindha yatendeka abasomesa 63 mu ngeri y'okubudhaabuda abaana. Bano abasomesa baava mu masomero aga koseibwa pologyekiti. Ekigendererwa kyali kya kuyamba basomesa kukuguka mu bya kawuuka ka Sirimu n'obukodyo bw'okubudhaabuda abaana basobole okwongera okutangira siriimu mu bavubuka.

Entegeka edh'okwongeraku omutindo gwa Wakisi ni Budondo HCIII dhiri kwekeenenizibwa.

Amaadhi

BEL eri mu mitendera gya kutuusa maadhi age midumo mu byalo ebikosebwa pologyekiti. Abenda kontulakita edh'okusansaania amaadhi baakyalaku mu byalo ebigya okufuna amaadhi era baalaga nti bamalirivu okwenigira mu mulimo guno. Bino byaliwo luvainhuma lwa kwekobaanamu. Abaasaba kontulakita bali 18 era abavunaanizibwa kwebyo bali kwekeeneenia okusaba kwaibwe.

Okukulankulania eby'obusuubuzi

Mu nkola ey'okuwola ku bupiiya obutoniongoli, aba Uganda

Finance Trust balondebwa okulabirira enkola ey'okukoopa n'okusasula obupiiya obutoniongoli mu byalo, nga ekigendererwa kya kuyambaku basuubuzi baghedere.

BEL ni Uganda Finance Trust bali kukola endagaano era okuwola ku obupiiya obutoniongoli kusuubirwa okutandiika mu kimega eky'okuna ekisooka mu 2010.

Eby'obulimi

Enkola ey'okwongera omutindo mu by'obulimi yatandiika omukuzi ogw'okubiri nga eisira eritaire ku kwerinda mu bya mere. Ebikunsu eby'abalimi 83 nga bino biyambibwaku BEL byafuna ebidhandhaali eby'embala (K132) ate nga bikula mangu. Bino byali mu nkola ey'okwiza obuyaaka embeera y'abantu. Ebidhandhaali ebigheza kilo 3,736 n'ebya gabibwa.

Okwaya mu kiketozo kya pologyekiti kwakolebwa bukalamu. Ghetwogerera, obubiidhi obuto 127 n'obubuzi obuwula 40 n'obwankazaalibwa.



Ebidhandhaali (K132) nga bigabibwa mu byalo

Okutendeka abaisuka

Abaisuka 53 ku 140 abali kuyambibwaku BEL baamala okutendekibwa okwali okw'omwaka omulamba mu Nile Vocational Institute era amatikira

gaibwe gaaliwo nga 4 Namuwawuzo (omwezi ogw'e Ikumi nebiri), 2009. Baafuna embaluwa mu kutendekeba okutaali kwa nsambo ndala: Okugeza nga obuzimbi baali 16, okusiba enviiri n'okulungiya abantu (9), okufumba n'okukola mu wuteeri (2), obubaadhi (6), okulongoosa emotoka (9), eby'amaadhi ag'emidumo n'okukola endhigi edh'ebyuma (3), okudholiga engoye (7), eby'amasaanhalaze (1).



Abaisuka nga bamaze okubatiikira ku NVI

Eitaniro / Akatale

Entegeka ya BEL okuzimba eitaniro abantu abakoseibwa pologyekiti mwe banaataniranga nga baguza abo abakola ghe bali kuzimba eibibiro, eri kukolebwaku. BEL yamala okwekeneenia abo abaasaba kontulakita ey'okuzimba eitaniro/akatale. Okuzimba kulinze kugaba kontulakita.

Okutendeka eb'ekyalo (CBT)

Enkola eno yatandiika n'akutendeka abantu 42 mu ngeri ey'okusita amayiga aga keikereza enku. Bano n'abazimbira amaka 310 ag'olekeire okukosebwa amayiga ag'omutindo mu byalo ebikoseibwa pologyekiti. Kisuubirwa nti baidha kugya mu

maiso okukola omulimo ogwo mu byalo byaibwe nga kino kiidha kuyamba okutangira obutonde n'okukendeezaaku esaagha abakazi dhebamala nga bagherera enku.

BEL eri kunoonia eitendekero ery'e byemikono n'obusuubuzi eri n'atendeka ab'ekyalo abagheraku obungi.

Okusansaania amasaanhalaze mu byalo

Okwekebeedha abagya okunoonereza ku kwongerayo amasaanhalaze mu byalo ebikoseibwa pologyekiti n'emirinaano kwawa era nga okutegeeragana n'okulonda an'atwala kontulakita bigya kubawo mu Nampira 2010, male okugaba kontulakita kubewo mu Namusebuko (omwezi ogw'okubiri), 2010.

Ebyali mu kwebuuza ku Bantu n'okubamanhisaaku ebiyaka.

Okumalawo okwemulugunia

Ghaliwo okwe muluguunia kwa nsambo kamaala mu kimega eky'okuna ekyo. Ensonga ni dhino ghansi n'ebyakolebwaku okudhigondoola:

- Obuguya mu kughandiika abakozi: BEL yatuukirira yafeesi etwala ebakozi mu Salini batereze emitendera gy'ebabitamu okughandiika abakozi n'okulondoola ensonga edhitwalibwa mu BEL.
- Okulyaka abakola mu Boschcon: Ensonga eno eri kukolebwaku atwala embeera ey'abakozi mu Mukono.

- Okulwa okulighirirwa: Enkolagana n'engeri ey'okulondoola ekitongole ekikola ku kusansaania amasaanhalaze (JETCL) eri kukolebwaku.
- Okukosebwa ekuva mu kwatisa amabaale: Okulondoola kwakolebwa ku kukosebwa okuva mu kwatisa amabale. Salini yakozesa abolondoozi abatasobola kwekubila okukasa nga bwene okwemuluguunia okwo kutuufu. BEL eri kugezaaku okubona nti ensonga edho dhigondoolwa bukalamu ate mu bwire.

Enkiiko:

- Okwebuuza ku bantu, okwa buli saasira n'abakulembeze ku kyalo ku nsonga edhiva mu bantu ab'ekyalo nga otaireku n'okudhaanukula kwagya mu maiso.
- Enkiiko edh'okusomesa ab'ekyalo ku kifo ekigheza kilometer 5 kyebagya okutoolamu amabaale n'eitaka, dh'akolebwa okubateekateeka ku lw'emirimo egigya okwinhama. Engeri edh'okwemukuumamu mu kiseera eky'okwatisa amabaale n'okufuna ebiva mu bantu yoona dhaali nsonga eyasomesebwa.

Ab'ekyalo baasanhukira pologyekiti era baasaba okubalingamu ku kyemirimo n'okubayambaku okutereza enguudo, amasomero n'amaadhi.

- Ebyava mu n'ekobaano, Salini yakola okunoonereza ku ndhu edhiyinda okukosebwa nga dhiri mu bughanvu bwa mita 600 okuva ghe baatikiza amabaale, nga okugaatisa ku kaali kwinhama.
- Enkiiko edh'eb'okwerinda ku kyalo dhaliwo mu byalo nga Buloba, Malindi, Kikuba-mutwe, Nankwanga ebiri ku lubalama ebugwa ndhuba ne Namizi, Kyabirwa, ni Buyala ebiri ku lubalama ebuvandhuba. Enkiiko dhino dh'asomesa ku nsonga y'abantu kwekyunga n'obwibi.
- Ghaliwo okwekobaanamu n'abakulembeze ba disitulikiti ey'e Idhindha, Mukono ni Kayunga okubamanisaaku pologyekiti n'entegeka ey'okukola ku mbeera y'abantu n'obutonde (SEAP) ghe bituuse.
- Ghaliwo olwekobaano n'abo pologyekiti begemaku kw'idaala ery'aghaigulu mu Uganda okubamanisaaku omulimo ghegutuuse,

enkulankulana edhikoleibwa mu byalo n'obuzibu bwe bagaana. Abaali mu lwekobaano luno balondebwa okuva mu bitongole ebitali bya gavumenti (NGOs), mu Bantu aba buliidho ni mu bitongole bya gavumenti.

- Olwekobaano olw'okwebuuzi ku mukugu ali kukola ku ntegeka ey'okulabirira eby'obughangwa lwonu lwaliwo.

Entegeka ey'eb'okuvuba

Okughandiika abavubi abayambibwaku BEL kwawa era abavubi 78 n'abaghandiikibwa ab'obuyinza basobole okuvuba nga ezira abalobera. Emyalo ebiri gyalondebwa era BEL eri kulinda mbalirira okuva mu yafeesi eye by'obuvubi male esobole okugya mu maiso n'okufuna ebyetaagisa. Eby'okuvubisa BEL bye yagha abavubi bikozebwa nga ekifaaninie kino ghansi bwe kiraga.



Abavubi nga bakozesa amaato n'eb'yambalo ebitaasa obulamu eby'abaghebwa BEL

Eby'obulambuuzi

Ebifo eby'obughangwa

Okwebuuzi ku bwa Kabaka bwa Buganda okukakasa ekifo ekye by'obughangwa n'enkolagana

en'abawo bya teesebwaku. BEL eri kusuubira okwiribwamu n'okufana entegeka eraga engeri ey'okuzimba ekifo ekye by'obughangwa.

Aba seeyeya ghebafulumira

Okuzimba amadaala ku Nile River Explorers (NRE) nga n'ekifo ghe bainhamira okuseeyeya era baafulumira nagho e Namiyagi kwawa. Okuzimba ghebafulumira ku Nile River Explorers e Nazigo, Kilindi mu Kayunga disitulikiti kutuuse ku kusereka.



Amadaala ga semiti ku NRE e Namiyago – Mukono disitulikiti

Obutonde, eby'obulamu n'ensonga edh'okwe kuuma. Okulondoola ebyonoonefu, amaadhi ag'omu mwiga n'agokunhwa.

Aba EPC kontulakita balondoola eby'onoonefu, amaadhi, ag'omumwiga n'agokunhwa okukakasa omutindo ogwendebwa. Era amaadhi ag'okunhwa n'ag'omumwiga gali ku mutindo. Aye ebyonoonefu mu bifo abalambuuzi ghebasula ni kw'ibibiro ti byali ku mutindo. (BOB, COD, NITs/s) EPC kontulakita eri kulungiyaku ghe basuula ebikaba.

Okulabirira eby'onoonefu

Eby'onoonefu eby'obulabe n'ebitali bya bulabe biva mu kifo kye bali kuzimbamu eibibiro ery'amasaanhalaze.

Eby'onoonefu ebizira bulabe nga empapula, ebya ghaka n'embawo bikozezebwa oba by'asuulibwayo ere ghebasuula eby'onoonefu mu munisipaali e Idhindha.

Eby'onoonefu eby'obulabe bikunganizibwa abo abaaghebwa olukusa.

Eitaka erigiireku amafuta n'enfuufu eri mu ikolero ery'amabaale babitaamu Ammonium Nitrate (NH₄No₃) okwita obutwa obuyinza okukosa obutonde. Eitaka erigiireku semiti asansanizibwa kulw'okuzimba libungibwa mu kifo kirala anga kiri ghala n'omwiga ate baamala b'abwikaku eitaka eikalamu eisubi n'emiti bisobole okumera buyaaka.

Abageni

- Ekikunsu okuva mu Japenses Industrial Cooperation Agency (JICA) baakyala ghebali kuzimba nga benda kumanha pologyekiti ghetuuse ku mbeera y'abantu n'eb'obutonde.
- Ekikunsu okuva mu Uganda Institute of Professional Engineers boona baakyala ghebali kuzimba okumanha okuzimba ghe kutuuse n'obukugu obuli kukozezebwa mu pologyekiti.
- Akulira omulimo ogw'okuzimba pologyekiti ya Bujagali

n'ekikunsu kye okuva mu World Bank baakyala ghebali kuzimba okumanha omulimo ghegutuuse.

- Abakungu okuva mu Royal College of Defense studies baakyala aghali pologyekiti.

Ebin'akolebwa mu kitundu eky'okuna ekiidha

- Kweyongera kukola ku siriimu.
- Okugabira ab'olekeire okukosebwa ebikozezebwa mu by'obulimi (ebyayo n'ebirime) abo.
- Okwongera obuyambi eri abo ab'olekeire okukosebwa nga mu buyambi obwo mwidha kubaamu amayiga aga keikereza enku.
- Okugya mu maiso n'okulabirira emiti egya simbibwa.
- Okutagho agh'okwegera engeri ey'okutangiramu mukoka.
- Enkiiko edh'okumanisaaku abantu ebifa ku pologyekiti.
- Okutendeka abavubi mu nvuba enkalamu.
- Okusitula omutindo gw'amalwaliro (Budondo ni Wakisi HCIII).
- Okuzimba e'myalo.
- Okwebuza ku b'ekyalo ku ntegeka ey'okukulankulania ekyalo n'okwekeenenia ebyetaagisa / ebyetaago.